



Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

**Odbor za javna priznanja
Kantona Sarajevo**

Broj:01-04- 1388 -5/24
Sarajevo, 04.04.2024.godina

**SKUPŠTINA KANTONA SARAJEVO
n/r Sekretara**

PREDMET: Odluke Odbora za javna priznanja Kantona Sarajevo -dostavljaju se.

Poštovana,

U prilogu ovog akta dostavljamo Vam Odluke o dodjeli javnih priznanja Kantona Sarajevo, koje verifikuje Skupština u skladu sa članom 6. Zakona o javnim priznanjima Kantona Sarajevo.

S poštovanjem.

PREDSJEDAVALAČI ODBORA

Elvedin Okerić

Prilog: Odluke Odbora za javna priznanja sa obrazloženjima(16x)



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax:+ 387 (0) 33 562-210
Sarajevo, Reisa Džemaludina Čauševića 1

1/1



**CANTON SARAJEVO
ASSEMBLY**

Na osnovu člana 6. Zakona o javnim priznanjima Kantona Sarajevo („Službene novine Kantona Sarajevo“, – Prečišćen tekst broj 2/10), Skupština Kantona Sarajevo na sjednici održanoj dana, donijela je

PRIJEDLOG

ODLUKU

O VERIFIKACIJI ODLUKE O DODJELI PLAKETE KANTONA SARAJEVO

I

Skupština Kantona Sarajevo verifikuje Odluku o dodjeli Plakete Kantona Sarajevo, **Akademiku Hadžemu Hajdareviću**, posthumno, kao priznanje za izuzetan doprinos i zalaganje u borbi za afirmaciju bosanskog jezika, književnosti i kulture u Kantonu Sarajevo i Bosni i Hercegovini.

II

Ova odluka objavit će se u “Službenim novinama Kantona Sarajevo”.

Broj:
SARAJEVO

**PREDSJEDAVALAČI
SKUPŠTINE KANTONA SARAJEVO**

Elvedin Okerić



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1



Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

**Odbor za javna priznanja
Kantona Sarajevo**

Broj:01-04-1388-4/24
Sarajevo, 03.04.2024.godine

Na osnovu člana 6. stav 1 Zakona o javnim priznanjima Kantona Sarajevo, ("Službene novine Kantona Sarajevo broj 2/10-Novi prečišćeni tekst"), Odbor za javna priznanja Kantona Sarajevo, na sjednici održanoj dana 03.04.2024.godine, donio je

**ODLUKU
O DODJELI PLAKETE
KANTONA SARAJEVO**

I

Akademiku Hadžemu Hajdareviću, dodjeljuje se Plaketa Kantona Sarajevo, posthumno, kao priznanje za izuzetan doprinos i zalaganje u borbi za afirmaciju bosanskog jezika, književnosti i kulture u Kantonu Sarajevo i Bosni i Hercegovini.

II

Ova odluka dostavlja se Skupštini Kantona Sarajevo na verifikaciju.



PREDSJEDAVAJUĆI ODBORA

Elvedin Okerić



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1

16/16

Klub SDP BiH u Skupštini Kantona Sarajevo

Kanton Sarajevo,

Odbor za javna priznanja Kantona Sarajevo

Reisa DŽ. Čauševića 1, Sarajevo

N/R Sekretara Skupštine Kantona Sarajevo

Predmet: Inicijativa za dodjelu javnog priznanja- Plaketa Kantona Sarajevo posthumno- sa obrazloženjem.

Poštovani,

U skladu sa javnim pozivom za dodjelu javnog priznanja Kantona Sarajevo za 2024. godinu, kao član odbora predlažem posthumno gđina **Hadžema Hajdarevića**.

Obrazloženje

Hadžem Hajdarević, veliki pjesnik, vrsni poznavalac i majstor jezika, predsjednik Društva pisaca i jedan od kreatora "Sarajevskih dana poezije", najstarije književne manifestacije na našim prostorima. Svojom pjesničkom i ljudskom širinom obilježio je književni i kulturni život Sarajeva i Bosne i Hercegovine. Svestran, kreativan, angažiran tokom čitavog svog stvaralačkog života. Prvenstveno kao pjesnik, ali isto tako upečatljiv po očuvanju bosanskog jezika.

Hadžem Hajdarević rođen je 18. jula 1956. godine, u Kruševu kod Foče. Školovao se na Popovu Mostu (osnovna škola), Općina Foča, te u Sarajevu (Gazi Husrevbegova medresa i studij jezika i književnosti na Filozofskom fakultetu).

Objavio je dvanaest knjiga poezije, više pjesničkih izbora, zatim nekoliko knjiga proza, kolumni, eseja, čime se, kad je u pitanju žanr, ubraja u najrazrodnije savremene bosanskohercegovačke autore. Knjige odabranih Hajdarevićevih stihova su prevedene na bugarski, francuski, engleski, slovenski, poljski i njemački jezik. Prevođen je i na arapski, flamanski, mađarski, makedonski, danski, ruski, ermenski, talijanski, turski, ukrajinski i druge jezike... Dobitnik je više književnih nagrada: Nagrada Trebinjskih večeri poezije (1981.), Nagrada "Skender Kulenović" (1996.), "Planjaxova" nagrada za najbolju knjigu pjesama (2005.), nekoliko bh. i regionalnih nagrada za najbolju kratku priču i dr. Zastupljen je u svim novijim antologijama bosanskohercegovačke i bošnjačke poezije i kratke priče. Jedan je od autora Rječnika bosanskog jezika (Sarajevo, 2007.), koautor Pravopisnog priručnika bosanskog/hrvatskog/srpskog jezika sa osnovama gramatike (Sarajevo, 2013.), itd.

Upjevao je bosanski jezik neke od značajnijih bošnjačkih pjesnika koji su pisali na orijentalnim jezicima, poput Divana Fadil-paše Šerifovića. Na bosanski je upjevao i lllahinamu perzijskog klasika Feriduddina Muhammeda Attara (XII. i XIII. st.), te Kaside-i-burdu egipatskog pjesnika Ebu Abdullaha Šerefuddina el-Busirija iz XII. stoljeća. Autor je ili koautor više čitanki za osnovne i srednje škole u Bosni i Hercegovini. Hadžem Hajdarević bio je otvorenih vidika i osoba bez predrasuda. Bio je i ostao most među ljudima i narodima. Cijeli njegov život i njegova poezija veličali su dobro u čovjeku i ljudsku vrlinu. Živio je tako do zadnjeg dana, ostavljajući nam mnogo lijepih riječi, mnogo uvezanih stihova, mnogo vrijednih poruka, kao najljepši spomenik svoga postojanja.

Hadžem Hajdarević nastavit će da živi u svojoj poeziji i pamćenju svojih čitalaca, ali i svih onih koji su poznavali i drugovali s izuzetnim Pjesnikom, rođenim eruditom, odvažnim Bosancem i Hercegovcem, koji je svoju veličinu dosegao skromno i nenametljivo. Hadžem Hajdarević nije "samo" pisao, nego i aktivno učestvovao u stvaranju historije našeg grada i zemlje.

Predsjednik kluba SDP BiH
u Skupštini Kantona Sarajeva

Davor Cicic